

Klem eur Bugel

TON : Mousik ar Morbihan.

M.M. J = 84

Me ne doun ne-met eur bu-gel, Ga-net tost da Bont-Me-nou : D'ar skol ez an, n'euz ket goal-bell, 'Vit deski lennal leo-riou, Mez ne ket a-voa-lach' des-ki, Red e d'in be-za sal-vet, Ha va mam vad a fell d'ezi va rei d'ar brotes-tanted !

Me ne doun nemed eur bugel,
Ganet tost da Bont-Menou :
D'ar skol ez an, n'euz ket goal-bell,
'Vit deski lenn al leoriou,
Mez ne ket avoalac'h deski,
Red e d'in beza salvet,
Ha va mam yad a fell d'ezi
Va rei d'ar protestanted !

- » O va mam ger, p'oan bihannik,
- » Pa gousken var ho parlen,
- » C'houi lare d'in : va bugelik,
- » Eveldon c'houi zo kristen !
- » Var va zal c'houi rea sin ar groas
- » Gant ho tornik benniget !
- » -- Hag hirio, mam, c'houi deu d'am e'has
- » Da skol ar hrotestanted !

» Al labousik, pa darz an de,
» A gân e beg an derven :
» Dispount ec'h ev gliz ar beure,
» Kuzet dindan an delien.
» — Ha me, pa zavan d'ar mintin,
» Va c'halonik vez rannet !
» Mont a rankan, en despet d'in,
» Da skol ar brotestanted !

» Araok m'oa skol e Pont-Menou,
» Me c'helle mont d'an iliz,
» Evit klevet ar zermoniou
» Ha deski va c'hatekiz,
» — Mez breman, siouaz d'am ene,
» D'in an iliz zo zerret,
» Ha me zo laket gant Doue
» E renk ar brotestanted !

» Ar protestant pa vez ar Pask
» A jom trankil en e gér ;
» Rag ne oar evit mont d'e glask
» Na katekiz na pater.
» — Mez me, evidon da veza
» Eur gwir gristen badezet,
» Va Fask n'am bezo ket da vla
» Evel ar brotestanted !

» Koulskoude bemdez d'ar beure
» Hag abars mont da gousket,
» Va Fater d'in c'houi lavare,
» Ha ganec'h em euz desket :
» Eo red d'eur bugel mad, bep bla,
» Ober e bask, e retred.
» — Deuz an traou-ze n' em o netra
» Digant ar brotestanted !

» Ar C'hoat a zo deut er vro-man
» Evit hor brassa mallos !
» Ne vezimp ket kaset gantan,
» Birviken d'ar baradoz !
» E skoliou a zo skoliou fall
» Gant an Iliz kondaonet,
» — Hon tud koz ne deant ket gwechall
» Da skol ar brotestanted !

» Evel oll bugale Plegat,
» Me garfe beza skoliet.
» E Plegat ez eus skoliou mad
» D'ar potrezed, d'ar botred.
» — E Pont-Menou 'ma mesk-ha-mesk,
» Ar botred, ar potrezed,
» — Koumpren a rit ar pez a zesk
» Er skol ar brotestanted !

» Etouez va c'hamaraded all
» Me garie mont da c'hoari
» (Ar c'hoari ne ket eun dra fall,
» Red eo en em amuzi).
» — Mez ni, bugale Pont-Menou,
» Breman pa vezomp guelet,
» Ne glevomp mui nemed ar iou :
» C'houi a zo protestanted !

» O va mam gez, c'houi vel breman
» Pegen trist eo va c'halon !
» Abars nemeur me gouezo klanv
» Ma tilezit ac'hanon !
» — Guelloc'h e ve d'in-me mervel
» Breman e-kreiz va gened
» Eget dont da veza henvel
» Ouz ras ar brotestanted !

» Ar c'hatékiz a lavar mad
» Kaout respet ha karante
» Evit hor mam, evit hon tad,
» Hag e sentimp ouz Doue ;
» Koulskoude ne ket red senti
» 'Vit ober traou difennet.
» — Rag-se, va mam, me ne din mui
» Da skol ar brotestanted !

» O va mam ger, en han Doue,
» Klevit ouz klem ho pugel !
» Diskuezit oc'h eur vamm a fe,
» Eur gwir vam a Vreiz-Izel,
» — Er barados m'ho pennigo
» Da veza va zelaouet
» Ha da c'hortoz, c'houi zikouro
» Kas kuit ar brotestanted !

